



**USAID**  
ԱՄԵՐԻԿԱՅԻ ԺՈՂՈՎՐԴԻՑ



## ՀԱՄԱԳՈՐԾԱԿՑՈՒԹՅԱՆ ՀԱՄԱՁԱՅՆԱԳԻՐ

թ. Երևան

« 16 » ապրիլի 2013թ.

ՀՀ մարդու իրավունքների պաշտպանը (այսուհետ՝ «Պաշտպան»), ի դեմս Պաշտպան Կարեն Անդրեասյանի, մի կողմից, և «Հայաստանն ընդդեմ կոռուպցիայի» ծրագրի (հետագա տեքստում՝ Ծրագիր) իրականացնողներ «Հայաստանի երիտասարդ իրավաբանների ասոցիացիա» հասարակական կազմակերպությունը (որը գործարկում է Երևանի, Արագածոտնի, Կոտայքի, Տավուշի, Շիրակի, Լոռու, Արարատի, Վայոց Ձորի, Սյունիքի հակակոռուպցիոն կենտրոնները), «Արմավիրի Զարգացման կենտրոն» հասարակական կազմակերպությունը (որը գործարկում է Արմավիրի հակակոռուպցիոն կենտրոնը) և Գեղարքունիքի առևտրաարդյունաբերական պալատը (որը գործարկում է Գեղարքունիքի հակակոռուպցիոն կենտրոնը) (հետագա տեքստում՝ Հակակոռուպցիոն կենտրոնների ազգային ցանց) ի դեմս Ծրագրի դեկանը Կարեն Զադոյանի, մյուս կողմից (հետագա տեքստում՝ Կողմեր)։

**Կարևորելով մարդու իրավունքների պաշտպանության և կոռուպցիայի դեմ արդյունավետ պայքարելով իրատապությունը,**

**Նկատի ունենալով ՀՀ Սահմանադրությամբ և օրենսդրությամբ Պաշտպանին վերապահված լիազորությունները՝ մարդու իրավունքների պաշտպանության ոլորտում,**

**Զգուելով հնարավորին չափ նվազեցնել պետական և տեղական ինքնակառակարման մարմինների ու դրանց պաշտոնատար անձանց կողմից մարդու իրավունքների և հիմնարար ազատությունների խախտման վերաբերյալ բողոքները,**

**Գնահատելով Հակակոռուպցիոն կենտրոնների ազգային ցանցի՝ դերը որպես մասնագիտացված կառույցի՝ մարդու իրավունքների պաշտպանության և կոռուպցիայի դեմ պայքարում,**

**Նկատի ունենալով կողմերի պատրաստակամությունը՝ համագործակցել մարդու իրավունքների պաշտպանության ոլորտում,**

**Կողմերը կնքեցին սույն Համագործակցության Համաձայնագիրը (հետագա տեքստում՝ Համաձայնագիր) հետևյալի մասին։**

### 1. Համաձայնագրի նպատակները

Կողմերը միավորում են ջանքերը հետևյալ նպատակներով՝

- Նպաստել մարդու իրավունքների պաշտպանության ոլորտում առկա հիմնախնդիրների լուծմանը և կոռուպցիոն ռիսկերի նվազեցմանը,

- Օժանդակել կոռուպցիոն ռիսկեր պարունակող օրենսդրության ընթացակարգային և համակարգային փոփոխությունների իրականացմանը՝ համատեղ քննարկումների կազմակերպման և առաջարկությունների ներկայացման միջոցով:

## 2. Համագործակցության հիմնական սկզբունքները

Սույն Համաձայնագիրը սահմանում է Կողմերի միջև համագործակցության հետևյալ սկզբունքները.

- Կողմերի միջև համագործակցությունը հիմնված է ՀՀ Սահմանադրության, ՀՀ օրենսդրության, ՀՀ միջազգային պայմանագրերի և սույն Համաձայնագրի դրույթների վրա,
- Համագործակցության ընթացքում Կողմերն առաջնորդվում են համադելավարման, թափանցիկության և ժողովրդավարության սկզբունքներով:

## 3. Համագործակցության ուղղությունները

Կողմերը համաձայնվում են համագործակցել հետևյալ ուղղություններով՝

- Իրենց գործունեության ընթացքում մարդու իրավունքների պաշտպանության և հակակոռուպցիոն ոլորտներում հանդիպող և առկա հիմնախնդիրների վերաբերյալ տեղեկատվության փոխանակում,
- Հակակոռուպցիոն կենտրոնների ազգային ցանցի կողմից քննարկման ոչ ենթակա, կոռուպցիոն ռիսկեր չպարունակող և Պաշտպանի կողմից քննարկման ենթակա բողոքների ուղղորդում Պաշտպանի կենտրոնական և մարզային գրասենյակներ (այսուհետ Գրասենյակներ),
- Պաշտպանի կողմից քննարկման ոչ ենթակա և կոռուպցիոն ռիսկեր պարունակող բողոքների ուղղորդում Հակակոռուպցիոն կենտրոնների ազգային ցանցի Երևանի և մարզային Հակակոռուպցիոն կենտրոններ,
- Կողմերի՝ սույն համաձայնագրից բխող միջոցառումներին փոխադարձ մասնակցության ապահովում,
- Մարդու իրավունքների պաշտպանության և հակակոռուպցիոն ոլորտներում կատարվող աշխատանքների մասին տեղեկատվության համակարգում և փոխադարձ փոխանակում, հասանելիության ապահովում հասարակությանը՝ համագործակցելով նաև այլ պետական մարմինների հետ,
- Օրենսդրության մեջ առկա բացերի շտկմանն ուղղված օրենսդրական և այլ առաջարկների համատեղ մշակում:

## 4. ԵԶՐԱՓԱԿԻՉ ԴՐՈՒՅԹՆԵՐ

4.1 Սույն Համաձայնագիրը ուժի մեջ է մտնում ստորագրման պահից և գործում է երկու տարի ժամկետով:

4.2 Համաձայնագիրը կարող է դադարեցվել կողմերից մեկի նախաձեռնությամբ՝ այդ մասին մյուս կողմին ծանուցելով Համաձայնագրի դադարեցման պահից տասնհինգ օր առաջ:

4.3 Սույն Համաձայնագիրը կարող է փոփոխվել միայն կողմերի փոխադարձ գրավոր համաձայնությամբ:

4.2. Սույն Համաձայնագիրը կազմված է երեք էջից, հայերեն լեզվով, հավասար իրավաբանական ուժ ունեցող երկու օրինակներից:

ՀՀ մարդու իրավունքների պաշտպան՝

«Հայաստանի երիտասարդ  
իրավաբանների ասոցիացիա»  
հասարակական կազմակերպության  
նախագահ, «Հայաստանն ընդդեմ  
կոռուպցիայի» ծրագրի ղեկավար՝

Կարեն Անդրեասյան

Կարեն Զադոյան



Կ.Տ



Կ.Տ